

Headline	Karnival Sukan Masum Fasa 1 2014 di UPSI		
MediaTitle	New Sabah Times Bahasa (KK)		
Date	10 Apr 2014	Color	Black/white
Section	Sukan	Circulation	22,425
Page No	21	Readership	134,550
Language	Malay	ArticleSize	81 cm <sup>2</sup>
Journalist	N/A	AdValue	RM 161
Frequency	Daily (EM)	PR Value	RM 483



## Karnival Sukan Masum Fasa 1 2014 di UPSI

KUALA LUMPUR: Memasuki hari keempat, Karnival Sukan Majlis Sukan Universiti Malaysia (Masum) Fasa 1 2014 yang bermula 5 April lalu Universiti Pendidikan Sultan Idris (UPSI) menyaksikan UPSI mendahului 19 IPTA lain dalam pungutan pingat.

Pada kedudukan teratas, atlet UPSI berjaya meraih 5 emas, 2 gangsa. Kedudukan UPSI diekori rapat oleh Universiti Tun Hussein Onn (UTHM) yang memungut 1 emas, 2 perak untuk berada di tangga kedua. Berada di tempat ketiga adalah Universiti Teknologi Mara (UiTM) dengan pungutan pingat 1 emas dan 3 gangsa.

Kesemua pingat emas UPSI diraih menerusi acara silat seni iaitu kategori jurus tunggal lelaki dan wanita serta tempur ganda lelaki dan wanita.

Penyelaras Silat UPSI, Datin Wan Nurul Hidayu Wan Abdul Razak berkata pasukan silat UPSI mensasarkan 10 pingat emas berbanding 22 pingat

yang ditawarkan dalam acara itu.

Pingat emas UPSI dipungut oleh Nur Syahirah Hamzah ( tunggal puteri ) , Muhammad Mat Ruzi ( tunggal putera), Nur Sahira Hamzah dan Siti arfiyah Abd Jalil ( ganda puteri), Muhammad Hazri Zahid Kasimi dan Noor Ashroff Mat Nor ( ganda putera).

Pingat emas juga diraih menerusi Farah Hanin Shamsudi, Norhidayah Sanusi dan Nor Areefa Ardellah Maarof melalui kategori regu puteri.

Sebanyak 20 universiti awam bertanding dalam 11 acara sukan membabitkan penawaran pingat sebanyak 51 pingat emas , 51 perak dan 66 gangsa yang menjadi rebutan 2670 atlet.

Semua atlet berkampung di Taman Bahtera dan setiap hari urus setia membabitkan seorang editor, tiga perekagrafik dan tujuh jurufoto bekerja keras menerbitkan buletin Masum sebagai wadah informasi untuk atlet membaca sewaktu santai. - Bernama